

讀史方輿紀要

辛丑仲秋

安師題簽



湖廣方輿紀要序

湖廣之形勝在武昌乎。在襄陽乎。抑在荊州乎。曰。以天下言之。則重在襄陽。以東南言之。則重在武昌。以湖廣言之。則重在荊州。何言乎重在荊州也。夫荊州者。全楚之中也。北有襄陽之蔽。西有夷陵之防。東有武昌之援。楚人都郢而強。及郢郢亡。而國無以立矣。故曰。重在荊州也。何言乎重在武昌也。夫武昌者。東南得之而存。失之而亡者也。漢置江夏郡。治沙羨。劉表鎮荊州。以江漢之衝。恐爲吳人侵軼。於是增兵置戍。使黃祖守之。孫策破黃祖於沙羨。而霸基始立。孫權知東南形勝必在上流也。於是城夏口。都武昌。武昌則今縣也。而夏口則今日之武昌也。繼孫氏而起者。大都不能改孫氏之轍矣。故曰。重在武昌也。何言乎重在襄陽也。夫襄陽者。天下之腰膂也。中原有之。可以併東。南東南得之。亦可以圖西北者也。故曰。重在襄陽也。請得而備言之。從來善用荊州者。莫如楚。楚都於郢。而其爭中原也。則在方城漢水之外。是今日襄陽以北地矣。西則以黔中巫郡。隔礙秦雍。控扼巴蜀。非今日歸州夷陵諸境乎。東則越冥阨。以迫陳蔡。由夏州來。符離以通江淮。非今日武昌黃蘗之郊乎。是則全楚之形勝。莫過於荊州也。若夫用武昌者。則莫備於江東。孫氏都武昌。非不知其危險。壻確僅恃一水之限也。以江夏迫臨江漢。形勢險露。特設重鎮。以爲外拒。而武昌退處於後。可從容而圖應援耳。名爲都武昌。實以保江夏也。未有江夏破。而武昌可無事者。晉人伐吳。分遣一軍出夏口。一軍出武昌。此亦第徇吳人陪都之名。而未權其實也。東晉因之。而武昌與夏口並重。陶侃領荊州。則鎮武昌。庾翼領荊州。則鎮夏口。

劉裕締造之初亦嘗以江沔未靖移荊州治夏口迨孝武時則增置荊州治焉荊州治而武昌乃歸重於夏口矣蓋荊州者所以分荆襄之勝而壓荆襄之口者也自此荆襄多事荊州實首當其鋒沈攸之以江陵發難不能下荊州不旋踵而敗亡蕭衍自襄陽而下則必爭荊州王僧辨自荊州而下則先入荊州隋人以夏首爲陳氏之要衝唐人以荊州爲江漢之重鎮皆昔荊州也及南宋之衰也襄樊陷兩郢傾而荊州之防急以伯顏之強狡不敢輕犯荊州者誠畏其險也及取荊州而東南遂不支矣是上流之形勝誠莫切於武昌也若夫襄陽者西晉用之則以亡吳蒙古用之則以亡宋次則西魏用之亦以亡梁苻堅之陷襄陽也不知襄陽之可以覆晉也西魏之擅襄陽也不知亡梁之資卽覆陳之本也間嘗謂南國之周瑜有用襄陽之志而無其年關壯繆有用襄陽之勢而無其智庾翼有用襄陽之識而無其力桓溫有用襄陽之力而無其識南宋諸君子有用襄陽之言而無其事于岳武穆可謂聞其語矣見其人矣而又廢於讒賊然則千百年來北人以襄陽并東南者有之矣南人未有以襄陽而清關洛者也要以襄陽爲天下之要薈則自若矣客曰予聞之武昌水要也荊州路要也襄陽險要也今由子之言益信三郡之於楚如鼎足然殆未容以優劣視歟余曰三要之說亦未盡然子遂因之而以三郡並較也襄陽殆非武昌荊州比也吳人之夏口不能敵晉之襄陽齊人之郢州不能敵蕭衍之襄陽宋人之鄂州不能敵蒙古之襄陽矣昔人亦言荊州不足以制襄陽而襄陽不難於併江陵也三國爭荊州吳人不能得襄陽引江陵之兵以攻魏輒破於襄陽之下梁元帝都江陵而仇襄陽襄陽挾魏兵以來

而江陵之亡忽爲魏人與蕭管以江陵而易其襄陽亦謂得襄陽而江陵之存亡我制之也五代時高氏保江陵賴中原多故稱臣諸國以延歲月宋師一逾襄陽而國不可立矣蒙古既陷襄陽不攻江陵而攻兩郢也亦以江陵不足爲我難也噫孫氏有夏口有江陵而獨不得襄陽故不能越漢江尺寸地晉人有襄陽矣乃謂漢水之險不及大江甚且輕戍江北重戍江南何其無志於中原也幸而是時北人無能用襄陽者耳彼襄陽者進之可以圖西北退之猶足以固東南者也襄陽而不守敵人踰險而南漢江上下罅隙至多出沒縱橫無後顧之患矣觀宋之末造孟拱復襄陽於破亡之餘猶足以抗衡強敵及其一失而宋祚隨之卽謂東南以襄陽存以襄陽亡亦無不可也客曰然則國家省會之設何以不於襄陽而於武昌余曰此亦因已然之跡未究其本耳漢都長安而荆州首列南郡晉都洛陽荆州先治襄陽平吳之後改治江陵唐都長安而十道之設山南道則治荆州開元改置則山南東道治襄陽宋都汴梁分湖北北爲兩路治江陵長沙後復增置京西南路治襄陽蓋天下之形勢視建都者爲推移藩屏之疎密視建都之向背何如耳六朝南宋以中原既失僭在東南武昌不得不爲重地元起於北方去東南最遠當伯顏之破襄郢而東也宋人舉國以爭鄂州矣伯顏於是多方以圖之既得鄂州周覽山川以爲江南要地亟請城之爲規取江南基本其後因之而行省建矣僞漢遁逃據爲窟穴太祖克之仍爲司治蓋既已定鼎金陵當混一之時而未忘東南之慮從金陵而論武昌王述所云一有緩急駭奔不難者也燕都卜宅以後亦惟成憲是遵又何改焉所謂因已然之迹而未究其本者此也

客曰然則襄陽可以爲省會乎曰奚爲不可自昔晉祖中之地爲天下膏腴誠引潁潁之地通楊口之道屯田積粟鞠旅陳師天下有變隨而應之所謂上可以通關陝中可以向許洛下可以通山東者無如襄陽由武昌而北非不足以叩三關動申蔡然而取道紆迴不如襄陽之徑且易也客又曰建國於東南襄陽亦可以爲省會乎曰東晉時已僑置雍州於此矣昔人謂東南可以問中原者莫如襄陽晉之桓溫宋之隨王誕齊之曹虎陳顯達之戰於河洛之間近之爭於穰鄧之際惟其有襄陽也西魏因蕭管以取襄陽而東南之勢遂折而入於北襄陽在東南不後於武昌也然酌其中當設省會於武昌而建帥府於襄陽以全楚之實力供襄陽之指揮荊州引黔粵之儲西陵通巴渝之蓄而武昌集吳會之漕以持襄陵之後數千里間呼吸可通見敵之隙必速乘之吾知天下之勢且在東南矣彼武昌者自守或有餘攻取或不足且夫陽邏旣下而道出武昌之東門嘉魚可來而敵在武昌之南漢口之重兵吾虞其未可專恃矣至於夷陵險要自古所推而施州山川環結土田蕃衍隋唐以來皆爲郡縣今等之於要荒矣竊謂夷陵建郡而以施州屬之增置屬邑南北相麗旣以通楚蜀之援亦以厚巴夔之勢或亦圖國者所當計及歟

讀史方輿紀要卷七十五

常熟顧祖禹景范輯著

湖廣一

禹貢荊及衡陽惟荊州

荊荆山見襄陽府南漳縣

周禮職方正南曰荊州

爾雅漢南曰荊州應劭曰荊強也言其氣躁

春秋

至戰國並為楚地其在天文翼軫則楚分野秦併天下置南郡黔中長沙等郡漢武置十三州此亦為荊州

其五

溪地自漢以後漢因之

後歷代開拓

初治武陵郡漢壽縣今常德府

三國初分有其地

北境屬魏西境屬吳

其後蜀漢之地為

吳所并晉亦置荊州

初治襄陽平吳後理南郡東晉初治武昌其後

宋分置荊州

治南

郢州孝建二年分荆湘

治江

治襄陽

湘州

治長沙

齊並因之梁陳分割滋多不可殫析

陳時自江以北

隋煬帝亦置荊州而不詳所統

大業末為蕭銑所據唐平之分屬山南

今安陸荊州襄陽鄭

淮南

今黃州德安漢陽

江南

州郴州及施州衛等境並屬江

等道開元中又分置山南東

治襄陽而常德府及岳

江南西

焉

治今四川彭水縣而辰州府

諸道後為荆南湖南南唐所據宋初為湖南

州

治潭

湖北

陸襄陽鄖陽及德安之隨州皆屬

後又增置京西南路

治襄

元始置湖廣等處行中書省

治武

後為陳友諒所

據明初平之仍置行省洪武九年改置湖廣等處承宣布政使司領府十五直隸州二屬州十四屬縣一百有

八

總為里三千四百八十有奇夏而衛所參列其中今仍為湖廣布政使司

武昌府

屬州一

縣九

江夏縣附郭 武昌縣 嘉魚縣 蒲圻縣 咸甯縣 崇陽縣 通城縣

興國州

大冶縣 通山縣

漢陽府屬縣二

漢陽縣附郭 漢川縣

黃州府屬州一 縣八

黃岡縣附郭 麻城縣 黃陂縣 黃安縣 蘄水縣 羅田縣

蘄州

廣濟縣 黃梅縣

承天府屬州二 縣五
今改安陸府

鍾祥縣附郭 東山縣 潛江縣

荊門州

當陽縣

沔陽州

景陵縣

德安府

屬州一 縣五

安陸縣

附郭

雲夢縣

應城縣

孝感縣

隨州

應山縣

岳州府

屬州一 縣七

巴陵縣

附郭

臨湘縣

華容縣

平江縣

澧州

安鄉縣

石門縣

慈利縣

永定九谿諸衛所附見

荊州府

屬州二 縣十一

江陵縣

附郭

公安縣

石首縣

監利縣

松滋縣

枝江縣

夷陵州

長陽縣

宜都縣

遠安縣

歸州

興山縣 巴東縣

襄陽府 屬州一 縣六

襄陽縣 附郭 宜城縣 南漳縣 棗陽縣 穀城縣 光化縣

均州

鄖陽府 屬縣七

鄖縣 附郭 房縣 竹山縣 竹谿縣 上津縣 今省 鄖西縣 保康縣

長沙府 屬州一 縣十一

長沙縣 附郭 善化縣 附郭 湘陰縣 湘潭縣 瀏陽縣 醴陵縣 甯鄉縣 湘鄉縣

攸縣 安化縣 益陽縣

茶陵州

常德府 屬縣四

武陵縣 桃源縣 龍陽縣 沅江縣

衡州府 屬州一 縣八

衡陽縣 附郭 衡山縣 耒陽縣 常甯縣 安仁縣 酃縣

桂陽州

臨武縣

藍山縣

永州府

屬州一 縣六

零陵縣

附郭

祁陽縣

東安縣

道州

甯遠縣

江華縣

永明縣

寶慶府

屬州一 縣四

邵陽縣

附郭

新化縣

城步縣

武岡州

新甯縣

辰州府

屬州一

縣三

沅陵縣

附郭

盧溪縣

辰溪縣

溆浦縣

沅州

黔陽縣

麻陽縣

鎮溪
附見

直隸郴州 屬縣五

永興縣 宜章縣 興甯縣 桂陽縣 桂東縣

直隸靖州 屬縣四

會同縣 通道縣 綏甯縣 天柱縣

施州軍民府 大田所及宣撫安撫長官諸司俱附見

永順宣慰司 南渭等屬廩州及一長官司俱附見

保靖宣慰司 五寨等長官司附見

東距潯陽 潯陽今九江府自黃蘗而下則九江為都會

南連嶺嶠 五嶺之在南境者凡三 一曰騎田嶺 五嶺從東第二嶺也 一名臘嶺 亦曰黃岑山 亦曰黃箱山 在

郴州南三十六里 嶺高二十九里 周迴三百八十一里 一曰都龐嶺 五嶺從東第三嶺也 亦名永明嶺 在永

州府道州永明縣北五十里 連互羣山高險殊絕 又名揭陽嶺 一統志桂陽州藍山縣南九十里有黃蘗山 本名都龐山 與廣東連州分界此為五嶺之

一水經注都龐嶺在南平縣界藍山縣即故南平也 此於五嶺東西之次似合然永明在北而江華在南次第似亦無嫌紊誤 一曰毗渚嶺 五嶺從東第四嶺也 亦名白芒

嶺 在道州江華縣西水經注萌渚嶠有萌渚之水出焉 其山多錫亦謂之錫方 自騎田嶺而東則為大庾嶺

接廣東南雄府江西南安府界 自毗渚嶺而西則為臨源嶺接廣西桂林府界 橫絕南北不啻千里土風迥

別寒燠頓殊秦王翦降百越以謫戍五萬人守五嶺誠天地之關隔矣五嶺詳見廣東北界

西據三峽。三峽起自四川夔州府奉節巫山二縣之東達於歸州夔陵州之西連山疊嶂隱天蔽日凡六七

百里詳見西陵下

北帶漢川。漢水互楚地之中曰北帶指襄陽以北而言也自漢而北即河南及陝西之境

其名山則有衡山。衡山在衡州府衡山縣西北三十里五嶽之一也舜典五月南巡狩至於南嶽禹貢岷山

之陽至于衡山周禮職方荊州鎮曰衡山史記秦始皇二十八年度淮水之衡山自漢武移南岳之名于霍

山隋文帝始復以衡山爲南岳唐六典江南道名山曰衡岳至德二年李泌請歸隱衡山從之今煙霞峯旁有欄柯傾殘

等巖即鄴侯隱處名山記上承翼軫鈴總萬物故名衡山度應三衡位直離宮故曰南岳其山高四千一十丈長沙志作

九千盤繞八里有七十二峯十洞十五巖三十八泉二十五谿九池九潭九井又有九穿三漏而峯之最大者五

曰祝融紫蓋雲密石廩天柱荊州記又云衡山三峯極秀紫蓋石困美蓉也其芙蓉峰上有飛泉瀑布下灌田畝而祝融又爲之冠道書以爲二唐盧

載所云十二峯中最高者也峯之巔有風穴有雷池自紫蓋峯以下各有巖洞泉壑之勝而天柱峯形如雙

柱屹然聳拔九域志名山三百六十有八柱此爲第六柱五峯而降其在衡山縣境者凡五十五峯祝融芙蓉雲密

紫蓋石廩天柱諸峯皆峯之大者此外又有碧雲香爐石困諸峰共五十有五今按七十二峰之名大都好事者所附會故不詳列而在衡陽縣境者凡七峯在長沙府湘

鄉湘潭善化縣境者凡十峯共爲七十二峯也徐靈期曰回鴈爲南岳之首回鴈峰見衡陽縣嶽麓爲南岳之足嶽麓

峰見善 衡山蓋踰長沙衡州二郡之境矣即璞三衡山別名岫樓
化縣今岫樓峯見衡陽縣

九疑 九疑山在永州府道州甯遠縣南六十里衡郡志云在衡州府桂陽州藍山縣西南五十里蓋山接衡
永之界也太史公曰舜崩於蒼梧之野葬於江南九疑故老相傳舜嘗登此秦紀始皇三十七年行至雲夢
望祀虞舜于九疑漢武元封五年亦望祀焉郭璞云其山九谿皆相似酈道元曰九疑山盤基蒼梧之野峯
秀數郡間羅巖九舉各道一溪岫壑負阻異嶺同勢遊者疑焉故曰九疑元結曰九疑山方四百里衡永郴
道四州各近一隅九峯各道一溪四水流灌於南海五水北注於洞庭孔穎達曰九疑卽蒼梧山也胡氏曰
梧蓋兩處合檀弓云舜葬于蒼梧之野謂此文穎曰九疑山蓋半在蒼梧半在洞庭九峯一曰朱明志以爲瀟水二曰石城洧水三
曰石樓巢水四曰娥皇池水五曰舜原亦曰華蓋瀑水蓋九峯之中峯也六曰女英砮水源九域志舜陵在
女英峯下九疑之第六
峯也七曰簫韶源八曰桂林源九曰杞林亦曰梓林九疑山志朱明峯簫韶峯各去舜峯西十五里石城
峯桂林峯各去舜峯北十五里石樓峯在舜峯東三十里娥皇峯在舜峯西四十六里女英峯在舜峯西五
十里杞林峯去舜峯西六十里而舜原峯正當甯遠之南有三峯鼎立相去各五里高接雲漢上有飛泉蹊
徑險絕人跡罕至其下則衆山環合如列屏然九疑爲南服之望允矣

大別 大別山在漢陽府城東北百步漢江兩岸江水逕其南漢水從西北來會于大別之東南禹貢內方至
於大別又漢水至于大別南入于江左傳定四年吳師伐郢楚子常濟漢而陳自小別至于大別小別山見漢川縣

山之左卽是沔口諸州圖經

隋郎茂撰

漢水東行觸大別之陂南與江合是也三國初曹魏定荊州以文聘爲江

夏太守守沔口吳軍來攻不克後吳人得之嘉禾中陸遜諸葛瑾戍守於此東晉初荊州賊王貢敗陶侃將

朱伺於沔口皆在大別山下也山亦名翼際山又名魯山

志曰山有魯肅寺因名司馬貞曰大別山土人謂之輒山

杜佑曰魯山三國南

北之際必爭之地也東晉元興末桓元餘黨桓振等復據江陵劉毅進討至夏口振遣其黨馮該守東岸孟

仙圖據魯山城桓仙客守偃月壘

壘在漢水北岸

水陸相援毅自攻魯山城劉道規攻偃月壘何無忌遏中流二城

皆潰該走石城

石城見安陸州

宋昇明初沈攸之舉兵江陵討蕭道成分兵出夏口據魯山旣而攸之攻郢城不克

郢城卽夏口亦曰郢州城

帥衆過江至魯山軍遂大敗齊末蕭衍舉兵襄陽東昏侯使郢州刺史張仲守郢城又使房僧

寄守魯山衆議欲引兵圍郢衍曰魯山與郢城爲犄角若悉衆前進魯山必阻我沔路搃我咽喉糧運不通

自然離散矣遂分軍圍郢城自圍魯山魯山尋降郢城亦下梁大寶二年侯景攻巴陵不克遁還留其黨丁

和等守郢城支化仁鎮魯山繼而王僧辨出漢口次第攻拔之遂引兵東下陳天嘉初王琳據江郢諸州附

於齊齊人守魯山爲郢城聲援及琳敗郢州歸陳齊人棄城走陳因置魯山郡守之明年以郡賂周周人以

爲重鎮大建十二年周司馬消難以沔南地及魯山等鎮來降尋復爲周所得光大中華皎以湘州降周周

遣衛公直等應之直軍魯山使別將率步騎圍陳郢州隋末蕭銑置郢州於魯山唐武德四年其郢州刺史

雷長穎以魯山來降於是江表悉定夫魯山江漢之鎖鑰也其與郢城形援密邇齊梁以來以重兵屯郢城

又于魯山置鎮控扼要害魯山之險卽郢城之險也一旦有事未有偏受其害者唐六典淮南道名山曰大別五代梁開平二年荆南高季昌遣兵屯漢口絕楚人朝貢之路蓋大別之下偏師守之足以橫絕南北也

唐胡曾過大別山詩云思量鐵鎖眞兒戲誰爲吳王畫此籌蓋山北下有鎖穴也又元周瞻賦云繫大別之爲山鎮南北之要衝杜荆鄂之形勝俯江漢之朝宗時以爲實錄

其大川則有江水 江水自四川巫山縣流入界經巴東縣及歸州之北又東至彝陵州南宜都縣北而歷枝

江縣松滋縣之北又歷荊州府城南至公安縣石首縣之北又經監利縣南及華容縣東北而至岳州府之北又經臨湘縣北而東北流過嘉魚縣西又北至漢陽府城東武昌府城西而會於漢水復北折而東歷武昌府北黃陂縣南又東歷黃州府南武昌縣北又經蘄水縣及蘄州城南興國州之北又東南歷廣濟縣黃梅縣之南而東入江南宿松縣界江之南岸卽江西德化縣界矣自西而東回環境內者約千八百里自昔南北相爭沿江上下所在皆險蓋不特楚地之襟要又爲吳會之上游也今詳見川瀆異同

漢水 漢水自陝西白河縣流入界經鄖陽府城南又歷均州及光化縣之北穀城縣之東又東至襄陽府城北折而東南經宜城縣之東又南經安陸府城西荊門州之東復東南出經潛江縣北及景陵縣南又東歷沔陽州北及漢川縣南至漢陽府城東北大別山下會于大江禹貢荊州江漢朝宗于海詩滔滔江漢南國之紀左傳楚漢水以爲池又曰江漢睢漳楚之望也史記楚世家昭王曰先王受封望不過江漢夫楚之初漢非楚境也故屈完對齊桓云昭王之不復君其問諸水濱自楚武伐隨軍于漢淮之間自是漢上之地漸

規取之矣吳之伐楚也與楚夾漢而楚之禍亟焉林氏曰楚之失始于亡州來符離其再失也由于亡漢晉蔡謨謂沔水之險不及大江不知荆楚之有漢猶江左之有淮唇齒之勢也漢亡江亦未可保矣孫氏曰國

于東南者保江淮不可不知保漢以東南而問中原者用江淮不可不知用漢地勢得也水利考曰漢之患多在襄承江之患

多在荊州九江之患多在常岳蓋上流既盛下流未合故橫溢不免洞庭合江江合漢而滔滔順流矣夫禹之治水也疏濬決排而已蓋盛則利於疏濬則利於濬壅則利於決急則利於排必至之理也周禮稻人職曰稻人掌稼下地以濬蓄水以防止水以溝蕩水以遂均水以別合水以澮寫水說者謂雖主治田之事而亦治水之法也後世阡陌既變水流益亂惟恃隄防以捍衝流苗免淪溺復因而爲之利紆回壅障以便田作大水時至則盡委于壑矣蓋但知蓄止而不知均寫之宜也誠因其故隄增高培薄使經流不至越軼復視其漲塞之至急者疏爲支渠使有所游蕩如賈讓治河所謂多穿漕渠以分殺水怒則江漢未必終于不治也治也詳見川瀆異同

湘水 湘水出廣西興安縣南九十里之海陽山其初出處曰靈渠流五里分爲二派志云有分水嶺流而南者曰漓

水流而北者曰湘水漓離也言違湘而南湘相也言有所合也湘水東北流經全州城南有灌水合焉又東

北流入境經永州府東安縣南至府城西南去府城十里引而北有瀟水會焉又經祁陽縣東而入衡州府常甯

縣西北境又經府城南引而東北有蒸水會焉又經衡山縣東而北流入長沙府湘潭縣境過縣西至府城

西環城而下過湘陰縣西又北而達青草湖注於洞庭湖地理志湘水過郡二零陵長沙也行二千五百三十里

水經注湘水出陽海山即海陽山北至巴邱山入江吳蜀分荊州以湘水爲界長沙江夏桂陽以東屬吳南郡零

陵武陵以西屬蜀湘水實貫于數郡間矣時又置關水上以通商旅謂之湘關建安二十四年關羽得于禁降軍糧食乏絕擅取權湘關米權聞之遂發兵襲羽自其

合瀟水而言之則曰瀟湘自其合沅水而言之則曰沅湘自其下洞庭會沅水而言之則曰沅湘實同一湘水也

沅水

沅水出四川遵義府境班固曰沅水出牂牁郡故且蘭縣東北是也

近志曰沅水出貴州鎮遠府境今攷沅水本無正源蓋羣川會流至

辰州府沅州界而益大因有沅江之名

沅水過沅州城南又逕黔陽縣城南又東接靖州會同縣西界東北流經辰溪縣北盧

溪縣南又過辰州府城南東北至常德府桃源縣南又東逕常德府城南龍陽縣北至沅江縣之西南而注

於洞庭湖

其地名紅沽口地理志沅水東北至益陽入江今沅江縣本長沙益陽地也

過郡二謂牂牁武陵也

行二千五百三十里楚辭

濟沅湘以南征淮南子楚地南卷沅湘太史公浮沅湘蓋楚地南境之水莫大於沅湘東漢建武二十三年

武陵蠻反遣劉尚將兵泝沅水入武谿擊之敗沒

武谿見盧溪縣

今辰州以西五谿諸水皆附沅水而達於洞庭蓋

水流深險溪蠻依以為阻也近志湖北之水

常德辰靖曰湖北

以沅水為宗云

瀘水

九江澤水附見

瀘水出靖州綏甯縣東南百里之唐糾山班固曰瀘水出都梁之路山酈道元曰卽唐糾山矣

山本在武岡州西南舊屬武岡界武岡漢都梁縣也

瀘水東北流經寶慶府武岡州北又經府城北邵水會焉或謂之邵江北流至新

化縣東而入長沙府安化縣境逕縣西又東北出益陽縣南甯鄉縣北而入常德府沅江縣西南境注于洞

庭湖地理志瀘水過郡二

謂零陵長沙也

行千八百里今其水紆曲行多灘險接禹貢言九江孔殷許慎曰九江沅

漸無辰淑西澧瀘湘也今考漸水在常德府武陵縣合于沅江無水在沅州城西亦入沅江

漢志注無水首受故且瀘南入